

# 卷十二

書名 禮記註疏六十三卷  
 撰者 漢 鄭玄 注, 唐 陸德明  
 音義, 唐 孔穎達 疏  
 卷 卷十二  
 內容分類 經 禮-禮記-唐  
 索書號 經部-彙刻-1  
 編號 A 232600

彩色首頁1

東洋文化研究所漢籍目錄 編號: A 232600

東洋文化研究所漢籍目錄所藏漢籍善本文影像資料庫 索書號: 經部-彙刻-1

漢籍善本文影像資料庫文本禮記註疏六十三卷

版權所有: 東京大學 東洋文化研究所

使用上的注意事項

## 禮記註疏卷之一

漢鄭氏註

唐孔穎達疏

### 禮記

○陸德明音義曰此記

### 疏

正義曰夫禮者經天地

地未分之前故禮運云夫禮必本於太一是天地未  
 分之前已有禮也禮者理也其用以治則與天地俱  
 興故昭二十六年左傳稱晏子云禮之可以為國也  
 久矣與天地竝但于時質略物生則自然而有尊卑  
 若羊羔跪乳鴻雁飛有行列豈由教之者哉是三公  
 既判尊卑自然而有但天地初分之後即應有君臣  
 治國但年代縣遠無文以言案易緯通卦驗云天皇  
 之先與乾曜合元君有五期輔有三名公卿大夫也又云  
 事五行王亦有五期輔有三名公卿大夫也又云遠  
 皇始出握機矩註云遂皇謂遂人在伏犧前始王天

高順其類也故升封者增高也下禪梁甫之基廣厚也天以高為尊故增泰山之高以報天地以厚為德附梁甫之基以報地刻石紀號者著已之功跡或曰封以金泥銀繩或曰石泥金繩封之印璽孝經諱云封於泰山考績燔燎禪於梁甫刻石紀號又管子云昔古封禪七十二家夷吾所識十有二焉無懷氏封泰山伏犧神農少皞黃帝顓頊帝嚳帝堯帝舜禹湯周成王皆封泰山惟禹禪會稽成王禪社首為異自外皆禪云云白虎通云三皇禪於釋釋之山明已成功而去有德者居之釋釋者無窮之意五帝禪於梁甫之山梁者信也甫者輔也信輔天地之道而行之所禪之山與管子不同者異人之說未知孰是云云亭亭釋釋梁甫並泰山旁小山名也

禮記註疏卷第十一終

禮記註疏卷第十二

漢鄭氏註

唐孔穎達疏

王制

天子將出類乎上帝宜乎社造乎禰諸侯將出宜乎社

造乎禰帝謂五德之帝所祭於南郊者類宜造皆

祭名其禮云禰音類造七天子至乎禰正義

守之禮也將出謂初出時也知此是巡守者以下別


云天子將出征類乎上帝故知此是巡守也類乎上帝者謂祭告天也宜乎社者此巡行方事誅殺封割

禮記統

卷之十一

禮記

社主於地又為陰而誅殺亦陰故於社也故書云弗  
 用命戮於社是也。造乎禰者造至也謂至父祖之  
 廟也然此出歷至七廟知者前歸假既云祖禰明出  
 亦告祖禰也今惟云禰者白虎通云獨見禰何辭從  
 卑不敢畱尊者之命至禰不嫌不至祖也皇氏申之  
 云行必有主無則主命載于齊車書云用命賞于祖  
 是也今出辭別先從卑起最後至祖仍取遷主則行  
 也若前至祖後至禰是畱尊者之命故不敬也故曲  
 禮曰已受命君言不宿於家亦其類也若還則先祖  
 後禰如前所言也所以然者先應反主祖廟故也然  
 出告天地及廟還惟告廟不告天地者白虎通云還  
 不復告天者天道無外內故不復告也。諸侯將出  
 者謂朝王及自相朝盟會征伐之事也。造乎禰者亦  
 不得告天故從社始也亦載社主也。造乎禰者亦  
 告祖及載主也惟言出告則歸亦告也。曾子問曰出  
 反必親告于祖禰是也天子用特牲諸侯卑則否也  
 曾子問註云皆奠幣以告之是也。帝謂至禮云  
 正義曰證天子類帝是祭五德帝也鄭註月令祈



穀於上帝為大微之帝註此上帝為五德五德似如  
 大皞五人之帝二文不同庾蔚云謂大微五帝應於  
 五行五行各有德故謂五德之帝木神仁金神義火  
 神禮水神知土神信是五德也云所祭於南郊者將  
 五德之帝應祭四郊此獨云祭於南郊者謂王者將  
 行各祭所出之帝於南郊猶周人祭靈威仰於南郊  
 是五帝之中一帝故上總云帝謂五德之帝此據特  
 祭所出之帝故云祭於南郊云類宜造皆祭名者按  
 小宗伯云凡天地之大裁類社稷宗廟則為位鄭註  
 云禱祈禮經類者於其正禮而為之是類為祭名也  
 按爾雅釋天云起大事動大衆必先有事乎社而後  
 出謂之宜孫炎註云求便宜也是宜為祭義也按大  
 祝六祈一曰類二曰造是造為祭名也但天道懸遠  
 以事類告之社主殺戮故求其便宜廟為親近故以  
 奉至言之各  
 隨義立名也

天子無事與諸侯相見曰朝註事謂征伐○與如字  
 朝直遙反考

禮正刑一德以尊于天子天子賜諸侯樂則以祝將

之賜伯子男樂則以鼗將之將謂執以致命祝鼗

皆所以節樂祝昌六反樂音岳鼓音桃諸侯賜弓矢然後征賜

鈇鉞然後殺賜圭瓚然後為鬯未賜圭瓚則資鬯于


天子得其器乃敢為其事圭瓚鬯爵也鬯秬酒也

鈇方于反又音斧鉞音越圭字又作珪按說文珪古字圭今字瓚才且反鬯敕亮反秬音巨黑黍也

疏天子至天子正義曰此天子論諸侯朝天子天子

知事非喪故而為征伐者若王室有喪則朝赴不廢

故傳云天子七月而葬同軌畢至此朝謂常朝雖四時而來朝朝是總名也若聘會之禮有征伐之事則此常朝別也○考禮正刑一德以尊于天子者考禮



謂諸侯相與朝王之時考校禮儀正定刑法專一道  
德以尊崇天子不言樂者禮中兼之禮刑是施用於  
人故先言之道德是已之所行故後言之○疏將謂  
至節樂○正義曰凡與人之物置其所與大者於地  
執其小者以致命於人將行也謂執以行命云祝鼗  
皆所以節樂者按漢禮器制度祝狀如漆桶中有椎  
將作樂先擊之鼗如小鼓長柄旁有耳搖之使自擊  
祝之節樂節一曲之始其事寬故以將諸侯之命鼗  
所以節一唱之終其事狹故以將伯子男之命○諸  
侯至天子○賜弓矢者謂入命作牧者若不作牧則  
不得賜弓矢故宗伯云八命作牧註云謂侯伯有功  
德者加命得專征伐此謂征伐當州之內若九命為  
二伯則得專征一方五侯九伯也若七命已下不得  
弓矢賜者尚書大傳云以兵屬于得專征伐者此弓  
矢則尚書彤弓一彤矢百盧弓十盧矢千於周禮則  
當唐弓大弓合七而成規者故司弓矢云唐弓大弓  
以授使者勞者註云若晉文侯文公受王弓矢之賜  
者賜鈇鉞者謂上公九命得賜鈇鉞然後隣國臣弒

君子弑父者得專討之晉文侯雖受弓矢不受鈇鉞  
 崔氏云以不得鈇鉞不得專殺故執衛侯歸之於京  
 師○賜圭瓚者亦謂上公九命者若未賜圭瓚者則  
 用璋瓚故周禮小宗伯註云天子圭瓚諸侯璋瓚既  
 不得鬯則用薰故王度記云天子以鬯諸侯以薰圭  
 瓚之制按玉人職大璋中璋之下云黃金勺青金外  
 朱中鼻寸衡四寸鄭註云鼻勺流也凡流皆為龍口  
 也二璋之勺形如圭瓚又典瑞註瓚槃大五升口徑  
 八寸下有槃口徑一尺又明堂位註云以大圭為柄  
 玉人註又云有流前注此是圭瓚之形也鬯者釀秬  
 黍為酒和以鬱金之草謂之鬱鬯不以鬱和直謂之  
 鬯此鬯者謂鬯也此弓矢鈇鉞圭瓚等八命九命而  
 加九賜也晉文侯雖以州牧之禮命之所賜者皆九  
 賜之物但無鈇鉞之賜其前文賜樂者非九賜之樂  
 故伯子男亦得受之魯無弓矢之賜陳恒弑君孔子  
 請討之者春秋之時見隣國篡逆亦得專征伐若隣  
 國無罪而輒征之則不可故哀  
 公八年魯伐邾吳子討之是也

天子命之教然後為學小學在公宮南之左大學在郊

**註**學所以學士之宮尚書傳曰百里之國二十里之

郊七十里之國九里之郊五十里之國三里之郊此

小學大學殷之制天子曰辟廱諸侯曰頡宮尊卑

學異名辟明也廱和也所以明和天下頡之言班也

所以班政教也○辟音璧註天子至頡宮○正義

諸侯立學及學明之事各依文解之○尚書至之

制○正義曰所引書傳者伏生多士傳文假令百里

之國國城居中面有五十里二十里置郊郊外仍有

三十里七十里之國國城居中面有三十五里九里  
 置郊郊外仍有二十六里五十里之國國城居中面  
 有二十五里三里置郊郊外仍有二十二里此皆以



四里為差此經小學在公宮南之左大學在郊既殷制故引書傳郊之所在以明之若周制則司馬法云百里郊天子畿內方千里百里為郊則諸侯之郊皆計竟大小故聘禮註云遠郊上公五十里侯伯三十里子男十里也近郊各半之鄭必知近郊半遠郊者按書序云命君陳分正東郊成周註云東郊周之近郊也蓋五十里今河南洛陽相去則然以天子近郊半遠郊則知諸侯近郊皆半遠郊也以經文承上諸侯之下故直云天子命之教不云命諸侯從可知云此小學大學殷之制者以下文云殷人養國老於右學養庶老於左學則左學小學大此經云小學在公宮南之左故知殷制也周則大學在國小學在西郊下文具也○**註**辟明至教也○正義曰釋詁云辟君也君則尊明靡和也釋訓文云所以明和天下者謂於此學中習學道藝欲使天下之人悉皆明達諧和故云明和天下云類之言班也所以班政教也者類是分別之義故為班於此學中施化使人觀之故云所以班政教也按詩註云王靡水之外圓如璧



**註**又云類之言半以南通水北無也二註不同者此註解其義詩註解其形於此必解其義者以上云天子命之教是政教治理之事故以義解之詩云王在靈沼於物魚躍又云思樂泮水薄采其芣皆論水之形狀故詩註以形言之

天子將出征類乎上帝宜乎社造乎禰禱於所征之地

**註**禰師祭也為兵禱其禮亦下○禰馬怕反又音百


盡物同禱受命于祖**註**告祖也受成于學**註**定兵謀

也出征執有罪反釋奠于學以訊馘告**註**釋菜奠幣

禮先師也訊馘所生獲斷耳者詩曰執訊獲醜又曰

在頰獻馘馘或為國獲反截耳斷音短下斷殺同

**疏**天子至誠告○正義曰此一經論天子出征所祭之事各依文解之○**釋**禡師至亦亡○正義曰按釋奠云是類是禡師祭也故知禡為師祭也謂之禡者按肆師註云貉讀如十百之百為師祭造軍法者禡氣勢之增倍也其神蓋蚩尤或曰黃帝鄭既云祭造軍法者則是不祭地熊氏以禡為祭地非師祭皆稱類爾雅類既為師祭所以上文云天子將出巡守類乎上帝及舜之攝位亦類于上帝並非師祭皆稱類者但爾雅所釋多為釋詩以皇矣云是類是禡止釋皇矣類禡為師祭不謂餘文類皆為師祭但類者以事類告天若以攝位事類告天亦謂之為類若以巡守事類告天亦謂之為類故異義夏后歐陽說以類祭天者以事類祭之古尚書說非時祭天謂之類許慎謹按周禮郊天無言類者知類非常祭從古尚書說鄭氏無駁與許同也然今尚書及古尚書二說其文雖異其意同也以事類告祭則是非常故孔註尚書亦云以攝位事類告天鄭又以類雖非常祭亦比類正禮而為之故小宗伯註云類者依其正禮而



為之是也○受命至誠告○受命於祖謂出時告祖是不敢自專有所稟承故言受命祖禡皆告以祖為尊故特言祖此受命於祖則前文造乎禡也但前文據告行故云造乎禡此據以征伐之事故云受命於祖所以重起其文也然則受命於祖在造乎禡之前但前文類帝宜社禡於所征之地總說出行之時然後卻本初時受命於祖受成於學之事所以文倒也受成於學者謂在學謀論兵事好惡可否其謀成定受此成定之謀在於學裏故云受成於學○出征執有罪者謂出師征伐執此有罪之人還反而歸釋菜奠幣在於學以可言問之訊截左耳之馘告先聖先師也○**釋**菜至獻馘○正義曰按大胥職云春入學舍菜合舞文王世子亦云釋菜鄭註云釋菜禮輕也則釋菜惟釋蘋藻而已無牲牢無幣帛文王世子又云始立學者既興器用幣註云禮樂之器成則幣之又用幣告先聖先師以器成此則徒用幣而無菜亦無牲牢也文王世子又云凡始立學者必釋奠於先聖先師及行事必以幣是釋奠有牲牢又有幣帛

無用菜之文熊氏以此為釋菜奠幣者謂釋奠之禮以獻俘馘故云釋菜奠幣言釋奠之時既有牲牢菜幣兩有今按註云釋菜解經中釋字奠幣解經中奠字又云禮先師不云祭先師則似訊馘告之時但有菜幣而已未必為釋奠有牲牢也於事有疑未知孰是故備存焉然則釋菜奠幣皆告先聖先師此直云先師文不具耳云訊馘所生獲斷耳者以生獲解訊以斷耳解馘按釋言云訊言也故詩註云執其可言問者釋詁云馘獲也訊是生者馘是死而截耳者云詩曰執訊獲醜者詩小雅出車篇文也云又曰在頻獻馘者魯頌泮水篇文也按周禮宗伯師還獻愷於祖司馬職云愷樂獻于社此記不云祖及社者文不具周禮不云獻愷於學者亦文不具

天子諸侯無事則歲三田一為乾豆二為賓客三為充

君之庖

**註**三田者夏不田蓋夏時也周禮春曰蒐夏



曰苗秋曰獮冬曰狩乾豆謂腊之以為祭祀豆實也

庖今之廚也

乾音干庖步交反蒐所交反獮息淺反腊音昔

無事而不田

曰不敬田不以禮曰暴天物

**註**不敬者簡祭祀略賓

客天子不合圍諸侯不掩羣

**註**為盡物也

徐音閣揜

音掩本又作掩

天子殺則下大綏諸侯殺則下小綏

**註**綏當

為綏綏有虞氏之旌旗也下謂弊之

耳佳反下註同

大夫殺則止佐車佐車止則百姓田獵

**註**佐車驅逆

之車

獵力輒反驅丘于反又丘遇反

獮祭魚然後虞人入澤梁豺

祭獸然後田獵鳩化為鷹然後設罝羅草木零落然



後入山林昆蟲未蟄不以火田註取物必順時候也

梁絕水取魚者罟小網也昆明也明蟲者得陽而生

得陰而藏註○懶徐他達反又他賸反豺仕皆反罟音

苓木曰落蟲直隆註反下同蟄直立反註不麝不卵不殺胎不殀天註重傷

未成物殀斷殺少長曰天註○麝本又作麝音迷同卵

於表反下鳥老反斷丁亂反又註不覆巢註覆敗也註覆


音殺少長上詩召反下竹丈反註芳服反註疏天子至覆巢註正義曰此一節論天子以

事者謂無征伐出行喪凶之事則一歲三時田獵獵

在田中又為田除害故稱田也註○一謂乾豆者謂乾

之以為豆實豆實非脯豆云乾者謂作醢及醬先乾

其肉故云乾豆是上殺者也註○二為賓客中殺者也



○三為充君之庖下殺者也按穀梁桓四年范甯云

上殺中心死速乾之以為豆實次殺射髀骼死差遲

故為賓客下殺中腸汚泡死最遲故充庖厨又車攻

毛傳云自左膘而射之達於右膈為上殺射右耳本

次之射左髀達於右膈為下殺是亦有三等之殺先

宗廟次賓客者尊神敬賓之義註○三田至曰狩註○

正義曰夏不田蓋夏時也者以夏是生養之時夏禹

以仁讓得天下又觸其夏名故夏不田若何休稍異於

春秋緯運斗樞之文故以為夏不田若何休稍異於

此按穀梁傳桓四年公狩于郎傳曰春日田夏日苗

田於義為短鄭玄釋之云四時皆田夏殷之禮詩云


之子於苗選徒囂囂夏田明矣孔子雖有聖德不敢

禮記疏

卷之二十一


禮記疏

為傳之時去孔子既近不見所藏之緯唯觀春秋見經故以為四時田也公羊當六國之時去孔子既遠緯書見行於世公羊既見緯文故以為三時田又鄭釋廢疾云歲三田謂以三事為田即上一曰乾豆之等是深塞何休之言當以計為正云周禮春曰蒐以也冬田為狩言守取之無所擇也鄭不釋蒐者蒐擇也亦謂擇取不孕者以義可知故不解也然春秋四時田獵皆曰蒐者以春蒐之禮行之故曰田不以禮曰暴天物者若田獵不以其禮殺傷過多是暴害天之所生之物以禮田者則下文天子不合圍以下至不覆巢皆是也○天子至掩羣○天子四時田獵皆得圍但圍而不合若諸侯惟春田不得圍其夏秋冬皆得圍圍亦不合故下曲禮云國君春田不圍澤○諸侯不掩羣者是畿內諸侯為天子大夫故下曲禮云大夫不掩羣此皆是熊氏之說若皇氏以此為夏殷禮下曲禮為周禮義或然也○**綏**當至幣之○



正義曰綏字是系旁妥是登車之索綏字是系旁委是旌旗之名經在綏字故云綏當為綏云有虞氏之旌旗也者按明堂位云有虞氏之旌夏后氏之綏鄭註云有虞氏當言綏旌旗無旒者周謂之大麾於周則春夏田用綏故鄭答趙商云春夏用大麾秋冬用大常云下謂弊之者謂弊仆於地也若初殺時則抗之已殺獵止之時則弊之故詩傳云天子發抗大綏諸侯發抗小綏此抗綏以表天子諸侯之獲周禮大司馬以旗致民註云以旗者立旗期民於其下也山虞云植虞旗澤虞云植虞旌謂田獵罷致禽旌禽也並與此綏不同也○大夫至田獵○大夫殺則止佐車則天子諸侯殺未止佐車也云佐車止則百姓同獵以此推之則天子殺然後諸侯殺諸侯殺然後大夫殺故詩傳云天子發然後諸侯發諸侯發然後大夫發是也此云佐車止則百姓田獵謂冬獵之時然則大綏小綏者是夏殷之法秋冬皆用綏異於周也○**驅**逆之車註云驅驅出禽獸使趨田者也逆逆要不

得令走凡四時田獵欲止之時各不同也按大司馬  
 春火弊謂春時田獵殺獲禽獸將畢總放火焚萊而  
 後止春月火者鄭註因焚萊除陳草皆殺而火止大  
 司馬又云夏車弊註云車弊驅禽獸而後止息鄭云夏田  
 殺禽既畢布列車乘總驅禽獸而後止息鄭云夏田  
 主用車示所取物希皆殺而車止鄭即引王制云大  
 夫殺則止佐車佐車止則百姓未得田獵是殺禽既畢  
 車休止但夏時佐車止百姓未得田獵鄭云百姓田  
 獵者因引王制之成文大司馬又云秋羅弊註云秋  
 田主用罔中殺者多也皆殺而罔止大司馬又云冬  
 徒弊註云冬田主用衆物多衆得取也○獺祭至火  
 田○按月令正月獺祭魚孝經緯云獸蟄伏獺祭云  
 則十月中也是獺一歲再祭魚此下文鳩化為鷹草  
 木零落文相連接則獺祭魚然後虞人入澤梁謂十  
 月時按魯語李革云鳥獸孕水蟲成於是乎禁罝罟  
 羅網又云獸長麋天鳥翼穀卵註云謂季春時然則  
 正月雖獺祭魚虞人不得入澤梁○豺祭獸然後田  
 獵者按月令九月豺乃祭獸夏小正十月豺祭獸則



走九月末十月之初豺祭獸之後百姓可以田獵鳩  
 化為鷹然後設罝羅者謂八月時但鳩化為鷹故月  
 令季夏云鷹乃學習孟秋云鷹乃祭鳥其鳩化為鷹  
 則八月時也以月令二月時鷹化為鳩則八月鳩化  
 為鷹也故周禮司裘云中秋獻良裘鄭司農註云中  
 秋鳩化為鷹是也設罝羅者按說文云罝捕鳥網也  
 又爾雅云鳥罝謂之羅罝羅總說文云罝捕鳥網也  
 零落然後入山林者謂十月時按月令季秋草木黃  
 落其零落芟折則在十月也故毛詩傳云草木不折  
 不操斧斤不入山林此謂官民總取材木若依時取  
 者則山虞云仲冬斬陽木仲夏斬陽木不在零落之  
 時昆蟲未蟄不以火田者謂未十月之時十月則得  
 火田故羅氏云蜡則作羅襦註云今俗放火張羅從  
 十月以後至仲春皆得火田故司馬職云春火弊是  
 也若陶鑄之火則季春出火季秋內火按司馬云季  
 春出火季秋內火知是陶鑄之火者按春秋昭六年  
 左傳云三月鄭人鑄刑鼎也○**註**昆明也○正義曰  
 鄭其有災乎刑鼎則陶鑄也○**註**昆明也○正義曰

按說文曰昆同也今云明者以字從日故為明○不  
麋至死天不麋不卵據春時特甚不死天之等亦然  
故國語云獸長麋天鳥翼穀卵是春尤甚此註云重  
傷未成物則四時皆然也國語既云獸長麋天天與  
麋相連故鄭  
云少長曰天

冢宰制國用必於歲之杪五穀皆入然後制國用制


國用如今度支經用杪末也○杪亡小反度支大各反下音交用地

大小視年之豐耗註小國大國豐凶之年各以歲之

收入制其用多少多不過禮少有所殺○耗呼報反殺色戒反又

色別以三十年之通制國用量入以為出註通三十

年之率當有九年之蓄出謂所當給為○量音亮率音律又音類



本又作縉之蓄救六反後皆同祭用數之仇註算今年一歲經用之

數用其什一○仇音勒又音力什音十喪三年不祭唯祭天地社

稷為越紳而行事註不敢以卑廢尊越猶躐也紳輶

車索○紳音弗躐力輒反喪用三年之仇註喪大事

用三歲之什一喪祭用不足曰暴有餘曰浩註暴猶

耗也浩猶饒也○浩胡老反祭豐年不奢凶年不儉註常

用數之仇國無九年之蓄曰不足無六年之蓄曰急

無三年之蓄曰國非其國也三年耕必有一年之食

九年耕必有三年之食以三十年之通雖有凶旱水

溢民無菜色然後天子食日舉以樂菜色食菜之

色民無食菜之飢色天子乃日舉以樂侑食日入

**疏** 冢宰至以樂正義曰此一節論冢宰制國用

之及年之豐耗并喪祭及所蓄積之法各隨文解

制國用多少必計地小大又視年之豐耗若地大年

豐則制用多若地小年耗則制用少故鄭云多不過

禮少有所殺以三十年之通制國用量入以為出

者言欲制國用之時先以三十年通融之法雷九年

蓄外計見在之物以制國用假令一年有四萬斛以

一萬斛擬三十年通融積聚為九年之蓄以見在三


萬斛制國之來歲一年之用量其今年入之多少以

為來年出用之數通三至給為正義曰通三

十年之率者每年之率入均分為四分一分擬為儲

積三分為當年所用二年又雷一分三年又雷一分

是三年總得三分為一年之蓄三十年之率當有十



年之蓄此云當有九年之蓄者崔氏云二十年之間

大略有閏月十三足為一年故惟有九年之蓄是王

肅以為為二十七年有九年之蓄而言三十者舉全數

兩義皆通未知孰是也云出謂所當給為者給謂給

百官賓客及門人也為謂為造國家器物也雷算

今至什一正義曰知用今年一歲經用者以下文

云喪用三年之仿此直云數之仿故知是一歲之仿

也又知仿為什一者以仿是分散之名故考王記云

石有時以泐考工記又云以其為之防稍其藪彼註

防謂三分之一此云什一者以民稅一歲之十一則

國祭所用亦什一也此謂當年經用之內用其什一

非是通計擬三年儲積之蓄也故鄭云一歲經用之

數雷

社稷是其尊今雖遭私喪既殯以後若有天地社稷

之祭即行之故云不敢以卑廢尊也越踐躐之義

故云越猶躐也但未葬之前屬紼於輶以備火災今

既祭天地社稷須越躐此紼而往祭所故云越紼云

紼輶車索者以停住之時緝其繩體則謂之紼若在


車已危

卷之三

禮記

卷之三

塗人挽而行之則謂之引故鄭註雜記云廟中日緋  
 在塗曰引天地社稷故有越緋之禮六宗及山川之  
 等卑於天地社稷待喪終乃祭故鄭志答田瓊云天  
 地郊社至尊不可廢故越緋祭之六宗山川之神則  
 否其宮中五祀在喪內則亦祭之故曾子問云君薨  
 五祀之祭不行既殯而祭之自啓至於反哭五祀之  
 祭不行既葬而祭之但祭時須人既少衆官不皆使  
 盡去不須越緋故鄭答田瓊云五祀宮中之神喪時  
 朝夕出入所祭不爲越緋也天地社稷之祭豫卜時  
 日今忽有喪故既殯越緋行事若遭喪之後當天地  
 郊社常祭之日其啓殯至於反哭則避此等爲新社祭日  
 而爲之按禮卒哭而耐練而禘於廟此等爲新社祭日  
 而爲之則非常祭也其常祭法必待三年喪畢也其  
 春秋之時未至三年而爲吉祭者皆非禮也若杜預  
 之意以爲既耐以後宗廟得四時常祭三年大禘乃  
 同於吉故僖公三十三年凡君薨卒哭而耐耐而作  
 主特祀於主烝嘗禘於廟杜註云新主既特祀於寢  
 則宗廟四時當祀三年禮畢又大禘乃皆同於吉如




杜之意與三年不祭違者按釋例云禮記後儒所作  
 不正與春秋同是杜不盡用禮記也○**註**暴猶至饒  
 也○正義曰暴是殘暴物被殘暴則虛耗故云暴猶  
 耗也浩者是多天之義故堯典云浩浩滔天故云浩  
 猶饒也○雖有凶旱水溢民無菜色者凶旱謂凶荒  
 遭旱也水溢謂水之汎溢凡水旱之歲歷運有常按  
 律曆志云十九歲爲一章四章爲一部二十部爲一  
 統三統爲一元則一元有四千五百六十歲初入元  
 一百六歲有陽九謂旱九年次三百七十四歲陰九  
 謂水九年以一百六歲并三百七十四歲爲四百八  
 十歲註云六乘八之數次四百八十歲有陽九謂旱  
 九年次七百二十歲陰七謂水七年次七百二十歲  
 陽七謂旱七年又註云七百二十者九乘八之數次  
 六百歲陰三謂水三年次六百歲陽五謂旱五年註  
 云六百歲者以八乘八八八六十四又以七乘八七  
 八五十六相乘爲一千二百歲於易七八不變氣不  
 通故合而數之各得六百歲次四百八十歲陰三次  
 四百八十歲陽三從入元至陽三除去災歲總有四

千五百六十年其災歲兩個陽九年一個陰九年一個陰陽各七年一個陰陽各五年一個陰陽各三年災歲總有五十七年并前四千五百六十年通為四千六百一十七歲此一元之氣終矣如律曆之言此是陰陽水旱之大數也所以正用七八九六相乘者以水數六火數七木數八金數九故以此交互相乘也以七八九六陰陽之數自然故有九年七年五年三年之災須三年六年九年之蓄也然災歲有陽七陰七陽五陰五此記直云三年六年九年之蓄不云七五者此各以其三相因故不言七五也舉六年則七年五年之蓄可知若貯積滿九年之後則腐壞當隨時給用也

天子七日而殯七月而葬諸侯五日而殯五月而葬大夫士庶人三日而殯三月而葬

**尊**者舒卑者速春

秋傳曰天子七月而葬同軌畢至諸侯五月同盟至



大夫三月同位至士踰月外姻至三年之喪自天子

**達** **下**通庶人於父母同天子諸侯降期 ○期居庶

人縣封葬不為雨止不封不樹喪不貳車 **縣**封當

為縣窆縣窆者至卑不得引紼下棺雖雨猶葬以其  
 禮儀少封謂聚土為墳不封之不樹之又為至卑無  
 飾也周禮曰以爵等為丘封之度與其樹數則士以  
 上乃皆封樹貳之言二也庶人終喪無二事不使從  
 政也喪大記曰大夫士既葬公政入於家既卒哭弁  
 經帶金革之事無辟也 ○縣封上音玄下音窆彼念  
 反不為于偽反註又為同紼

音弗上時掌反下大夫以上同辟音避

自天子達於庶人喪從死者祭

從生者支子不祭

從死者謂衣衾棺槨從生者謂

奠祭之牲器

**禮**

天子至不祭。正義曰此一節明天子以下殯葬日月不同及衣衾牲器

之數各依文解之。尊者至姻至。正義曰天子諸侯位既尊重送終禮物其數既多身在於喪許其


申遂故日月緩也。大夫及士禮數既卑送終之物其數簡少又職唯促遽義許奪情故日月促也。必至三

日者冀其更生三日不生亦不生矣。所引春秋傳以下隱元年左氏文同軌者杜預云言同軌以別四夷

之國謂中國諸侯車同軌轍盡皆來至同盟者杜預云同在方嶽之盟同位者杜預云古者行役不踰時

諸侯以下不言畢至者有來有否不必盡來故不云畢按左傳大夫言三月士言踰月此總云大夫士三

月而葬者此記者許以降二為差故總云三月左傳細言其別故云大夫三月士踰月其實大夫三月者



除死月為三月士三月者數死月為三月正是踰越

一月故言踰月耳按膏肓休以為士禮三月而葬會

左氏云踰月為義左氏為短玄箴之曰禮人君之喪

殯葬皆數來月來日士殯葬皆數死月死日尊卑相

下之差數故大夫士俱三月其實不同士之三月及

大夫之踰月也鄭箴膏肓以正禮而言故云人君殯

葬數來月來日若春秋之時天子諸侯之葬皆數死


月故文八年八月天王崩九年二月葬襄王又成十

八年八月公薨十二月葬傳云書順也是皆數死月

也故鄭又云人君殯數來日葬數往月據春秋為說其殯日之義已具在上曲禮疏其諸侯奔喪按異義公羊說天王喪赴者至諸侯哭雖有父母之喪越紼而行事葬畢乃還左氏說王喪赴者至諸侯既哭問故遂服斬衰使上卿弔上卿會葬經書叔孫得臣如京師葬襄王以為得禮許慎謹按易下邳傳其容說諸侯在千里內皆奔喪千里外不奔喪若同姓千里外猶奔喪親親也容說為近禮鄭駁之云天子於諸侯無服天子為諸侯斬衰三年尊卑有差按魯夫人




成風薨王使榮叔歸舍且謂召伯來會葬傳曰禮也  
 襄王崩叔孫得臣如周葬襄王天子於魯既舍且謂  
 又會葬為得禮則是魯於天子一大夫會為不得禮  
 可知又左傳云鄭游吉云靈王之喪我先君簡公在  
 楚我先大夫印段實往敝邑之少卿也王吏不討恤  
 所無也豈非左氏諸侯奔天子之喪及會葬之明文  
 說左氏者云諸侯不得棄其所守奔喪自違其傳同  
 姓雖千里外猶奔喪又與禮乖鄭之所駁從公羊之  
 義又以左氏傳諸侯亦奔喪但說左氏者自違其傳  
 云不奔喪又難許慎云千里外同姓猶奔喪與禮乖  
 也此是鄭氏之意其諸侯自相奔喪禮按公羊說遣  
 大夫弔君會其葬左氏說諸侯之喪士弔大夫會葬  
 文襄之霸令大夫弔卿共葬事許慎謹按周禮無諸  
 侯會葬義知不相會葬從左氏義鄭氏無駁與許同  
 其諸侯夫人喪公羊說卿弔君自會葬左氏說諸侯  
 夫人喪士弔士會葬文襄霸士弔大夫會葬叔弓如  
 宋葬宋共姬止卿行過厚非禮許慎謹按公羊說同  
 盟諸侯薨君會葬其夫人薨君又會葬是其不違國



政而常在路公羊左氏說俱不別同姓異姓公羊言  
 當會許以為同姓也左氏云不當會據異姓也鄭駁  
 之云按禮君與夫人尊同故聘禮卿聘君因聘夫人  
 凶時會弔主於相哀愍略於相尊敬故使可降一等  
 士弔大夫會葬禮之正也周禮諸侯之邦交歲相問  
 也殷相聘也世相朝也無異姓同姓親疏之數云夫  
 人喪士會葬說者致之非傳辭者鄭氏意引周禮無  
 同姓異姓之別者破許慎云同姓則會異姓則不會  
 鄭又云夫人喪士會葬說者致之非傳辭破異義左  
 氏說夫人喪士弔夫人士弔無士會葬之文故云說者  
 云君薨大夫弔夫人士弔無士會葬之文故云說者  
 致之言士會葬實非本傳之辭也則鄭氏以為古者  
 君薨士弔大夫會葬文襄之霸君薨大夫弔卿會葬  
 其夫人之喪則古及文襄之時皆士弔大夫會葬故  
 鄭云士弔大夫會葬禮之正○庶人至貳事○庶人  
 之喪賤無碑綵窆謂下棺縣繩下棺故云縣窆威儀  
 既少日又促遽將葬之時不為雨而止庶人既卑小  
 不須顯異不積土為封不標墓以樹若士以上負國

恩重雖在喪中金革無辟庶人既無爵命更無殊禮  
 三年之內許其終喪餘居喪之外不供他事故下云  
 父母之喪三年不從政。○**國**縣封至辟也。○正義曰  
 知縣封當為縣窆者若封是封土無縣繫之理不得  
 與縣相連故知為窆也不直云封當為窆而與縣相  
 連者以經有兩封若不連縣言之恐與下封相涉故  
 連縣言之也云不得引紼下棺者士雖無碑猶有二  
 紼今庶人無紼唯以繩縣棺故云不得引紼下棺云  
 雖雨猶葬以其禮儀少者按異義公羊說雨不克葬  
 謂天子諸侯也卿大夫臣賤不能以雨止穀梁說葬  
 既有日不為雨止左氏說士葬先遠日辟不懷言不  
 汲汲葬其親不可行事廢禮不行庶人不為雨止許  
 慎謹按論語云死葬之以禮以雨而葬是不行禮穀  
 梁說非也從公羊左氏之說鄭氏無駁與許同案釋  
 廢疾云雖庶人葬為雨止公羊說卿大夫臣賤不能  
 以雨止此等之說則在廟未發之時庶人及卿大夫  
 亦得為雨止若其已發在路及葬則不為雨止其人  
 君在廟及在路及葬皆為雨止云封為聚土為墳者



以對上封為窆故明之云封謂聚土為墳云周禮曰  
 以爵等為丘封之度者是周禮豕人文既云爵等明  
 有爵者乃有丘封周以士為爵故云則士以上乃皆  
 封樹是庶人不封樹彼註云王公曰丘諸臣曰封又  
 引漢律曰列侯墳高四丈關內侯以下至庶人各有  
 差又禮記云孔子合葬於防崇四尺鄭云蓋周之士  
 制其樹數則無文按白虎通云天子松諸侯柏大夫  
 栗士槐云貳之言二也者上貳是副二之貳下貳是  
 二三之二喪不貳事者謂不為兩事故讀從二三之  
 二也引喪大記以下者證大夫士在喪有二事也。○  
 從死至牲器。○正義曰盧植解云從生者謂除服  
 之後吉祭之時以子孫官祿祭其父祖故云從生者  
 若喪中之祭虞祔練祥仍從死者之爵故小記云士  
 祔於大夫則易牲又云其妻為大夫而卒而后其夫  
 不為大夫而祔於其妻則不易牲又雜記云上大夫  
 之虞也少牢卒哭成事祔皆大牢下大夫之虞也植  
 牲卒哭成事祔皆少牢是喪中之祭仍從死者之禮  
 而鄭云謂奠祭之牲器云奠則是喪中之祭得從生

者之爵與小記雜記違者小記雜記據死者子孫身無官爵生者又無可祭享故喪中之祭皆用死者之禮若其生者有爵則祭從生者之法喪祭尚爾喪後吉祭可知奠謂葬前祭謂葬後包喪終吉祭也鄭必知祭兼喪祭與盧植別者以此云祭從生者喪從死者相對又中庸云父為大夫子為士葬以大夫祭以士又云父為士子為大夫葬以士祭以大夫祭又與葬相對皆祭與喪葬連文是一時之言故祭中兼為喪奠也或云在喪中祭尚從死者爵至吉祭乃用生者祿耳故知盧解鄭言奠者自吉祭之奠及非時祭耳

天子七廟三昭三穆與大祖之廟而七註此周制七者

太祖及文王武王之祧與親廟四大祖后稷殷則六廟契及湯與二昭二穆夏則五廟無大祖禹與二昭



二穆而已○祧他彫反契息列反諸侯五廟二昭二穆與大祖

之廟而五註大祖始封之君王者之後不為始封之

君廟大夫三廟一昭一穆與大祖之廟而三註大祖


別子始爵者大傳曰別子為祖謂此雖非別子始爵

者亦然士一廟註謂諸侯之中士下士名曰官師者

上士二廟庶人祭於寢註寢適寢也○適丁歷反統天子


寢○正義曰此一節明天子以下立廟多少不同之事各隨文解之○此周至而已○正義曰鄭氏之意天子立七廟唯謂周也鄭必知然者按禮緯稽命徵云唐虞五廟親廟四始祖廟一夏四廟至子孫五殷五廟至子孫六鈞命決云唐堯五廟親廟四與始祖五禹四廟至子孫五殷五廟至子孫六周六廟至

子孫七鄭據此為說故謂七廟周制也周所以七者以文王武王受命其廟不毀以為二祧并始祖后稷及高祖以下親廟四故為七也若王肅則以為天子七廟者謂高祖之父及高祖之祖廟為二祧并始祖及親廟四為七故聖證論肅難鄭云周之文武受命之王不遷之廟權禮所施非常廟之數殷之三宗宗其德而存其廟亦不以為數凡七廟者皆不稱周室禮器云有以多為貴者天子七廟孫卿云有天下者事七世又云自上以下降殺以兩今使天子諸侯立廟並親廟四而止則君臣同制尊卑不別禮名位不同禮亦異數况其君臣乎又祭法云王下祭殤五及五世來孫則下及無親之孫而祭上不及無親之祖不亦詭哉穀梁傳云天子七廟諸侯五家語云子羔問尊卑立廟制孔子云禮天子立七廟諸侯立五廟大夫立三廟又云遠廟為祧有二祧焉又儒者難鄭云祭法遠廟為祧鄭註周禮云遷主所藏口祧違經正文鄭又云先公之遷主藏於后稷之廟先王之遷主藏於文武之廟便有三祧何得祭法云有二祧難



鄭之義凡有數條大略如此不能具載鄭必為天子七廟唯周制者馬昭難王義云按喪服小記王者立四廟又引禮禘夏無大祖宗禹而已則五廟殷人祖契而宗湯則六廟周尊后稷宗文王武王則七廟自夏及周少不減五多不過七禮器云周旅酬六尸一人發爵則周七尸七廟明矣今使文武不在七數既不同祭又不享嘗豈禮也哉故漢侍中盧植說文云二祧謂文武曾子問當七廟無虛主禮器天子七廟堂七尺王制七廟盧植云皆據周言也穀梁傳天子七廟尹更始說天子七廟據周也漢書韋玄成四十八人議皆云周以后稷文武特七廟又張融謹按周禮守祧通云周以后稷文武特七廟又張融謹按周禮守祧職奄八人女祧每廟二人自大祖以下與文武及親廟四用七人姜嫄用一人適盡若除文武則奄少二人曾子問孔子說周事而云七廟無虛主若王肅數高祖之父高祖之祖廟與文武而九主當有九孔子何云七廟無虛主乎故云以周禮孔子之言為本穀梁說及小記為枝葉韋玄成石渠論白虎通為證驗

七廟斥言玄說為長是融申鄭之意且天子七廟者有其人則七無其人則五若諸侯廟制雖有其人不得過五則此天子諸侯七五之異也王肅云君臣同制尊卑不別其義非也又王下祭殤五者非是別立殤廟七廟外親盡之祖禘祫猶當祀之而王肅云下祭無親之孫上不及無親之祖又非通論且家語云先儒以為肅之所作未足可依按周禮惟存后稷之廟不毀其廟報祭之似高圉亞圉廟亦不毀者此是不合鄭說故馬融說云周人所報而不立廟○**禮**大祖至君廟○正義曰凡始封之君謂王之子弟封為諸侯為後世之大祖當此君之身不得立出王之廟則全無廟也故諸侯不敢祖天子若有大功德王特命立之則可若魯有文王之廟鄭祖厲王是也魯非但得立文王之廟又立姜嫄之廟及魯公武公之廟并周公及親廟除文王廟外猶八廟也此皆有功德特賜非禮之正此始封君之子得立一廟始封六世之孫始五廟備也若異姓始封如太公之屬初封則得



立五廟從諸侯禮也云王者之後不為始封之君廟者以其始封之君非有功德惟因先代之後以封之不得為後世之大祖得立此君所出王者之廟必知然者以經傳無文云微子為宋之始祖故也而左傳云宋祖帝乙是也若二王之後郊天之時則得以遠代之祖配天而祭故禮運云杞之郊也禹也宋之郊也契也○**禮**大祖至亦然○正義曰此據諸侯之子始為卿大夫謂之別子者也是嫡夫人之次子或眾妾之子別異於正君繼父言之故云別子引大傳者證此大祖是別子也云雖非別子始爵者亦然者此其遠世子孫始得爵命者則以為大祖別子不得為大祖也二是別子及子孫不得爵命者後世始得爵命自得為大祖三是全非諸侯子孫異姓為大夫者及他國之臣初來任為大夫者亦得為大祖故云雖非別子始爵者亦然此總包上三事如鄭志答趙商此王制所論皆殷制故云雖非別子亦得立大祖之廟若其周制別子始爵其後得立別子為大祖若非

別子之後雖為大夫但立父祖曾祖三廟而已隨時而遷不得立始爵者為大祖故鄭答趙商問祭法云大夫立三廟曰考廟曰王考廟曰皇考廟註非別子故知祖考無廟商按王制大夫三廟一昭一穆與大祖之廟而三註云大祖別子始爵者雖非別子始爵者亦然二者不知所定鄭答云祭法周禮王制之云或以夏殷雜不合周制是鄭以為殷周之別也鄭必知周制別子之後得立別子為大祖者以大傳云別子為祖繫之以姓而弗別綴之以食而弗殊雖百世而昏姻不通者周道然也故知別子百世不遷為大祖也周既如此明殷不繫姓不綴食大傳又云其庶姓別於上而戚單於下五世而昏姻可以通明五世之後不復繼以別子但始爵者則得為大祖也此大夫三廟者天子諸侯之大夫皆同知者以此及祭法歷陳天子諸侯即云大夫更不別云諸侯之大夫故知與天子大夫同也卿即大夫總號故春秋殺卿經皆總號大夫其三公即與諸侯同若附庸之君亦五廟故莊三年公羊傳云紀季以鄫入於齊傳曰請後



五廟以存姑姊妹又附庸得稱朝是與諸侯同○謂諸至二廟○正義曰按祭法云適士二廟今此云士一廟故知是諸侯之中士下士祭法云官師一廟故云名曰官師者鄭既云諸侯之中士下士一廟則天子之中士下士皆二廟也必知皆二廟者以其總稱元士故昏義云八十一元士是不分別上下也鄭又知諸侯中士與下士同一廟者以祭法云適士二廟言適士則不得兼中下也○寢適寢也○正義曰此庶人祭寢謂是庶人在官府史之屬及尋常庶人此祭謂薦物以其無廟故惟薦而已薦獻不可褻處故知適寢也

天子諸侯宗廟之祭春日禘夏曰禘秋曰嘗冬日烝

此蓋夏殷之祭名周則改之春日禘夏曰禘以禘為

殷祭詩小雅曰禘祠烝嘗于公先王此周四時祭宗

廟之名。○下云夏薦同禘大計反。烝之承反。祠音詞。

天子祭天地諸侯祭社稷大夫祭五祀。○五祀謂司

命也。中雷也。門也行也。厲也。此祭謂大夫有地者其

無地祭三耳。○雷力救反。天子祭天下名山大川五嶽視

三公四瀆視諸侯。○視視其牲器之數。諸侯祭名山

大川之在其地者。○魯人祭泰山。晉人祭河是也。

天子至地者。○正義曰。此一節論夏殷天子諸侯大夫四時祭宗廟及祭天地山川之事。各隨文解之。○春曰。禘者。皇氏云。禘薄也。春物未成。其祭品鮮薄也。孫炎云。禘者。新菜可禘。○夏曰。禘者。皇氏云。禘者。次第也。夏時物雖未成。宜依時次第而祭之。○秋曰。嘗者。白虎通云。嘗者。新穀熟而嘗之。○冬曰。烝者。烝者。



衆也。冬之時物成者衆。孫炎云。烝進也。進品物也。○

此蓋至之名。○正義曰。疑為夏殷祭名者。以其祭

名與周不同。故以為夏殷祭名。其夏殷之祭。又無文

故稱蓋以疑之。此云春禘而郊。特牲云。春禘者。鄭彼

註云。禘當為禴。從此為正。祭義曰。春禘。鄭註直云。夏

殷禮不破。禘字者。以郊特牲已改。禘為禴。故於祭義

略之。從可知也。云周則改之。春曰。祠。夏曰。禘。者。按宗


伯云。以祠。春享先王。以禴。夏享先王。又知周以禘為

殷祭者。按公羊傳曰。五年而再殷祭。又春秋經。僖八

年秋七月。禘于太廟。是禘為殷制。殷猶大也。謂五年

一大祭。引詩小雅者。是文王之詩。天保之篇。謂文王受命已改。殷之祭名。以夏祭之。禘改名曰。禘。而詩先言。禘後祠者。從便。文嘗在烝下。以韵句也。于公諸蓋至不密也。先玉謂后稷大王王季也。○五祀至三耳。○正義曰。知五祀是司命中雷。門曰。國行曰。泰厲云。王立七祀。曰。司命。曰。中雷。曰。國門。曰。國行。曰。泰厲。曰。戶。曰。竈。諸侯五祀。無戶。竈。自外與天子同。明大夫五祀。與諸侯同。明知是司命中雷。門行厲也。云此祭

謂大夫有地者以其祭五祀與諸侯同故知大夫有  
 采地者云其無地祭三耳者以祭法云大夫立三祀  
 曰族厲曰門曰行也鄭意以此及祭法俱是周禮有  
 地者祭五無地者祭三按下曲禮大夫祭五祀謂戶  
 竈中雷門行以為殷禮此大夫五祀為有地大夫五  
 祀之神又別者以曲禮天子諸侯大夫皆祭五祀更  
 無等差故以月令五祀當之總為殷禮此文天子云  
 祭天地諸侯云祭社稷大夫云祭五祀既別為尊卑  
 之差故以周法解之○**視**視視至之數○正義曰按  
 夏傳云五嶽視三公四瀆視諸侯其餘山川視伯小  
 者視子男鄭註云謂其牲幣粢盛籩豆爵獻之數非  
 謂尊卑按周禮上公饗餼九牢飧五牢饗禮九獻豆  
 四十侯伯饗餼七牢飧四牢饗禮七獻豆三十有二  
 子男饗餼五牢飧三牢饗禮五獻豆二十有四又五  
 等諸侯膳皆大牢祭亦大牢簋皆十有三祭四望山  
 川用毳冕鄭註禮器五獻祭謂祭四望山川也又侯  
 伯無別三公與子男同今此王制云五嶽視三公四  
 瀆視諸侯則三公尊於諸侯夏傳云四瀆視諸侯其



餘山川視伯小者視子男是伯與侯別今鄭註此視  
 視其牲器又註夏傳謂其牲幣粢盛籩豆爵獻之數  
 參驗上下並與周禮不同不可強解合之為一此王  
 制所陳多論夏殷之制夏傳所說又非周代之禮鄭  
 之所註者當據異代法也此經云四瀆視諸侯夏傳  
 視諸侯之下云其餘山川視伯小者視子男則此諸  
 侯謂是侯爵者不得總為五等諸侯○**魯**魯人至是  
 也○正義曰知魯人祭泰山者以論語云季氏旅於  
 泰山明魯君祭泰山季氏僭之也又公羊云三望祭  
 泰山明魯君祭泰山但泰山是齊魯之界故齊亦  
 祭之是以禮器云齊人將有事於泰山必先有事於  
 配林禮器又云晉人將有事於河必先有事於惡池  
 是晉人祭河也

**天子諸侯祭因國之在其地而無主後者**  
 謂所因之


國先王先公有功德宜享世祀今絕無後為之祭主



者昔夏后氏郊鯀至杞為夏後而更郊禹晉侯夢黃能入國而祀夏郊此其禮也

○鯀古本反能乃登反一本又作熊音雄

天子至後者○正義曰此一節論天子置都之所及諸侯所封之內皆因古昔先王先公所居之地今其地子孫絕滅而無主後者則天子諸侯祭此先王先公故云祭因國之在其地而無主後者若天子因先公之後亦祭先公若諸侯因先王之後亦祭先王先王先公皆謂有德宜世祀者○昔夏至禮也○正義曰按祭法夏后氏亦禘黃帝而郊鯀是夏郊鯀云至杞為夏後而更郊禹者按禮運云杞之郊也禹也是杞郊禹也殷滅夏之時殷則不應郊鯀必應封夏之後但不知名杞以否至周封夏後於杞據禮運成文故云杞更郊禹也不廢殷時夏後已郊禹也云晉侯夢黃熊入國而祀夏郊者按昭七年晉侯有疾夢黃熊入于寢門于時子產聘晉韓宣子問子產其何厲鬼子產曰昔堯殛鯀于羽山其神化為黃熊以入




于羽淵實為夏郊三代祀之晉為盟主其或者未之祀也韓子祀夏郊晉侯有間如傳所云夏后之時郊祭鯀以配天至殷周之時鯀雖不配天以其有功列於羣祀故云三代祀之但春秋之時周衰禮廢不能祀鯀晉既為盟主當代天子祭羣神羣祀傳之意義謂晉當代天子攝羣神之祀不謂因此國在地無主後者今鄭引之以證祭無主後則謂鯀是夏家之先晉居夏之舊地鯀無主後故晉祀之禮之與傳意少異然夏後有杞而云無主後者以杞不祭鯀故云無主後也其黃熊之言稱入羽淵按爾雅鼈三足能先師或以為黃熊義或然也

天子殖禘禘禘嘗禘烝禮殖猶一也禘合也天子諸

侯之喪畢合先君之主於祖廟而祭之謂之禘後因以為常天子先禘而後時祭諸侯先時祭而後禘凡




氏之說也云魯禮三年喪畢而禘於大祖者僖公以三十四年文公應合二年八月大事于大廟於禮君即位之二年而云三年喪畢者通死君之年為三年云明年春禘於羣廟者以僖公八年禘於大廟宣公八年辛巳有事於大廟有禘也為仲遂卒略言有事僖也宣也皆八年禘既五年一禘則後禘去前禘五年也前禘當三年今二年而禘故云明年春禘於羣廟按閔二年五月吉禘于莊公昭十五年禘于武宮昭二十五年將禘于襄公禘皆各就廟為之故云羣廟云自爾之後五年而再殷祭者公羊傳文云自爾者謂自二年禘羣廟之後每五年之內再為殷祭故鄭禘禘志云閔公之喪僖三年禘僖六年禘僖八年禘凡三年喪畢新君二年為禘新君三年為禘皆禘在禘前閔公二年五月吉禘于莊公則禘當在吉禘之前故禘志云四月禘五月禘不譏禘者慶父作亂國家多難故莊公既葬經不入庫門閔公早厭其亂故四月禘不譏五月即禘比月而為大祭又




於禮少四月故書譏其速也鄭禘禘志云魯莊三十二年八月公薨閔二年五月吉禘時慶父殺子般之後公懼於難不得時葬葬則去首經於門外乃入務自尊成以厭其禍若已練然免喪又速二年四月夏則禘既禘又即以五月禘於其廟比月大祭故譏其速也閔公之服凡二十一月於禮少四月又不禘云吉禘譏其無恩也閔公以二年八月薨僖二年除喪始禘大廟明年禘於羣廟自此以後五年再殷祭六年禘故八年禘僖公以三十三年十二月薨至文二年七月間有閔積二十一月明月即禘經云八月丁卯大事于大廟躋僖公於文公之服亦少四月以其逆祀故特譏之文公十八年二月薨宣二年除喪而禘三年禘於羣廟自此之後亦五年再殷祭與僖同六年禘故八年禘昭十一年五月夫人齊歸薨十三年年平丘之會歸不及禘冬公如晉昭十四年春歸乃禘故十五年春乃禘經云二月癸酉有事于武宮至襄公也此是鄭論魯之禘禘鄭又云明堂位曰魯王

禮也以此相推况可知是鄭以天子之禮與魯國也  
 按穀梁傳以年數者不數閏而鄭數莊公及僖公之  
 喪皆云通閏二十一月者鄭欲盛言日月關少假令  
 通閏止有二十一月耳鄭於禘禘志除莊公之喪少  
 四月而答趙商云於禮少六月者通禘月言之也閏  
 公之喪僖三年乃除僖二年得除閏公喪而禘者以  
 是喪祭雖在前喪之內亦得為後喪之祭故雜記云  
 三年之喪則既類其練祥皆行是也此去三年喪畢  
 禘於大祖廟明年春禘於羣廟按玄鳥箋云三年既  
 畢禘於其廟而後禘祭於大祖更有禘於其廟之文  
 不同者謂練時遷主遷廟新死者當禘祭於其廟以  
 安之故魯人云廟用修註云謂始禘時左氏說禘謂  
 既期之後然則禘於其廟在於練時而玄鳥箋云喪  
 三年既畢禘於其廟者鄭將練禘總就喪畢禘於大  
 祖而言之其實禘廟在練時也熊氏一說謂三年除  
 喪特禘新死者於廟未知然否其禘禘禘大小鄭以公  
 羊傳云大事者何大禘也毀廟之主陳于大祖未毀  
 廟之主皆升合食于大祖故為大事若王肅張融孔



晁皆以禘為大禘為小故王肅論引賈逵說吉禘于  
 莊公禘者遞也審遞昭穆遷主遞位孫居王父之處  
 又引禘於大廟逸禮其昭尸穆尸其祝辭總稱孝子  
 孝孫則是父子並列逸禮又云皆升合於其祖所以  
 劉歆賈逵鄭眾馬融等皆以為然鄭不從者以公羊  
 傳為正逸禮不可用也又曾子問云七廟五廟無虛  
 主虛主者惟天子崩與禘祭取羣廟之主明禘祭  
 不取羣廟之主可知爾雅云禘大祭也謂比四時為  
 大也故孫炎等註爾雅云皆以禘為五年一大祭若  
 左氏說及杜元凱皆以禘為三年一大祭在大祖之  
 廟傳無禘文然則禘即禘也取其序昭穆謂之禘取  
 其合集羣祖謂之禘鄭康成禘及四時祭所以異  
 者此禘謂祭於始祖之廟毀廟之主及未毀廟之主  
 皆在始祖廟中始祖之主於西方東面始祖之子為  
 昭北方南面始祖之孫為穆南方北面自此以下皆  
 然從西為上禘則太王季以上遷主祭於后稷之  
 廟其坐位乃與禘相似其文武以下遷主若穆之遷  
 主祭於文王之廟文王東面穆主皆北面無昭主若

昭之遷主祭於武王之廟武王東面其昭主皆南面  
 無穆主又祭親廟四其四時之祭惟后稷文武及親  
 四廟也○諸侯至不禘○禘則不禘者虞夏之制歲  
 朝皆闕一時之祭也此從南方始也南方諸侯春禘  
 祭竟夏來朝故闕夏禘故云禘則不禘也○禘則不  
 嘗此西方諸侯秋來朝也行夏祭竟而秋來朝故不  
 嘗也○嘗則不烝此北方諸侯冬來朝者也行秋祭  
 竟而冬來朝故廢烝也○烝則不禘此東方諸侯春  
 來朝者也行冬祭竟而春來朝故廢禘也然各廢一  
 時耳餘三時皆祭也今不從東方始而從南方始者  
 欲舉春禘得祭者為始故也○**註**虞夏至時祭○正  
 義曰此云虞夏之制者雜明諸代不專殷又此春禘  
 而註云夏殷則知夏殷春祭俱名禘也○諸侯至烝  
 禘○諸侯降於天子故禘在禘上也此見先時祭故  
 禘在禘上○禘一禘一禘者言諸侯當在夏祭一禘  
 之時不為禘祭惟一禘一禘而已闕時祭也不云一禘  
 而云禘一者禘在一前與禘在禘前其義同皆見先  
 時祭也○嘗禘烝禘者謂諸侯先作時祭烝嘗然後



為大祭之禘故云嘗禘烝禘鄭既云諸侯禘歲不禘  
 是諸侯當禘之歲法不重禘而皇氏云諸侯夏時若  
 禘則不禘若禘則不禘  
 故違鄭註其義非也

**天子社稷皆大牢諸侯社稷皆少牢大夫士宗廟之祭**

**有田則祭無田則薦****註**有田者既祭又薦新祭以首

時薦以仲月士薦牲用特豚大夫以上用羔所謂羔  
 豚而祭百官皆足詩曰四之日其早獻羔祭韭○大

字又音黍少詩  
 照反日人一反**庶人春薦韭夏薦麥秋薦黍冬薦稻**

**韭以卵麥以魚黍以豚稻以雁****註**庶人無常牲取與

新物相宜而已○稻音盜  
 卵力管反**祭天地之牛角繭栗宗廟**

之牛角握賓客之牛角尺

握謂長不出膚。○爾字又作璽。

公典反握鳥角反長竹丈反膚於乎反

諸侯無故不殺牛大夫無故不

殺羊士無故不殺犬豕庶人無故不食珍

天子至食珍。○正義曰此一節論天子諸侯祭

田者既祭至祭韭。○正義曰知有田既祭又薦新者

先薦寢廟又士喪禮有薦新如朔奠謂有地之士大

以首時薦以特牲而云薦新故知既祭又薦新也云祭

祭以首時故禮記明堂註云季夏六月以禘禮祀周

公於太廟周六月是夏四月也又雜記云七月而禘

獻子爲之也譏其用七月明當用六月是也魯以孟

月爲祭魯王禮也則天子亦然大夫士無文從可知

也其周禮四仲祭者因田獵而獻禽非正祭也服虔

註桓公五年傳云魯祭天以孟月祭宗廟以仲月非

鄭云也此薦以仲月謂大夫士也既以首時祭故薦

用仲月若天子諸侯禮尊物熟則薦之不限孟仲季

故月令孟夏薦麥孟秋薦黍季秋薦稻是也大夫既

薦以仲月而服虔註昭元年傳祭人君用孟月人臣

用仲月不同者非鄭義也南師解云祭以首時者謂

大夫士也若得祭祭天者祭天以孟月祭宗廟以仲月

其禘祭禘祭時祭亦用孟月其餘諸侯不得祭天者


大祭及時祭皆用孟月既無明據未知孰是義得兩

禮記疏

卷之二十一

禮記疏

特牲今無地之士薦宜貶降不用成牲故用特豚云  
 大夫以上用羔者以諸侯大夫有地祭者用少牢其  
 無地薦者則用羔也言以上則包天子皆用羔也雖  
 用羔天子諸侯亦用餘牲不皆用羔故月令以彘嘗  
 麥以犬嘗麻云所謂羔豚而祭百官皆足者所謂是  
 禮器文士薦而云百官者舉大夫以上而言士之屬  
 吏以衆言之亦曰百官故任厥問云百官皆足則有臣  
 士不大射士無臣祭無所擇此云百官皆足則有臣  
 矣記閭答曰此上下兼說之耳士雖無臣猶有屬官  
 佐祭特牲饋食云公有司私臣皆殺胾百官皆足抑  
 謂此也引詩曰者是豳風七月之篇也云四之日謂  
 周之四月夏之二月其朔旦之時獻羔祭用韭薦於  
 廟引之者證薦用羔之義○**註**新物相宜○正義曰  
 言相宜者謂四時之間有此牲穀兩物俱有故云相  
 宜非謂氣味相宜其相宜者若牛宜稌羊宜黍之屬  
 是也○**註**握謂長不出膚○正義曰公羊傳曰膚寸  
 而合鄭註投壺禮云四指曰扶扶則膚也○**註**故謂  
 祭饗○正義曰按膳夫王日一舉鼎十有二物謂大



牢也是周公制禮天子日食大牢則諸侯日食少牢  
 大夫日食特牲士日食特豚至後世衰亂王藻云天  
 子食日少牢朔月大牢諸侯食日特牲朔月少牢則  
 知大夫食日特豚朔月特牲士日食無文朔月特豚  
 故內則曰見子具視朔食註云天子大牢諸侯少牢  
 大夫特豕士特豚是常食有限不得踰越故知謂祭  
 也謂諸侯祭以大夫得殺牛諸侯之大夫祭以少牢  
 得殺羊天子大夫祭亦得殺牛其諸侯及大夫饗食  
 實得用牛也故大行人掌客諸侯待賓皆用牛也公  
 食大夫禮大夫食賓禮亦用牛也故云謂祭饗也

**庶羞不用牲** **註**祭以羊則不以牛肉為羞燕衣不踰祭

**服寢不踰廟**

○燕伊 **註**祭以至為羞○正義曰按

羞房中之羞註馳食糝食內則云糝取牛羊豕之肉  
 得用牛者祭既用少牢則糝亦不用牛肉以羊肉為  
 羞

古者公田藉而不稅藉之言借也借民力治公田美

惡取於此不稅民之所自治也孟子曰夏后氏五十

而貢殷人七十而助周人百畝而徹則所云古者謂

殷時藉在亦反稅式市廛而不稅廛市物邸舍


稅其舍不稅其物廛直連反關譏而不征譏譏

異服識異言征亦稅也周禮國凶札則無門關之征

猶譏也譏居宜反征本又作正音同林麓川澤以

時入而不禁麓山足也音鹿夫圭田無征夫猶

治也征稅也孟子曰卿以下必有圭田治圭田者不



稅所以厚賢也此則周禮之士田以任近郊之地稅

什一音圭疏古者至無征正義曰此一節論古者

文解之自古者以下至夫圭田無征若非周法故

云古者其藉而不稅正謂殷時市廛而不稅以下或

兼虞夏殷以言之公田藉而不稅者謂民田之外

別作公田一井之中凡有九夫中央一夫以為公田

藉之言借也惟借入家之力以治此公田美惡取於


此而不稅民之私田市廛而不稅者廛謂公家邸

舍使商人停物於中直稅其所舍之處價不稅其在

市所賣之物市內空地曰廛城內空地曰肆關譏




故有圭田卿大夫士皆以治此圭田公家不稅其物  
 故云無征必云圭者圭潔白也言卿大夫德行潔白  
 乃與之田此殷禮也殷政寬緩厚重賢人故不稅之  
 周則兼通士稅之故註云周禮之士田以任近郊之  
 地稅什一○藉之至殷時○正義曰治公田美惡  
 取於此不稅民之所自治也者按宣十五年初稅畝  
 傳云非禮謂稅民所自治為非禮明依禮惟取公田  
 之物故云美惡取於此引孟子者證三代稅法不同  
 按孟子滕文公問為國於孟子孟子對曰夏后氏五  
 十而貢殷人七十而助周人百畝而徹其實皆什一  
 劉氏及皇氏皆云夏時民多家得五十畝而貢五畝  
 殷時民稍稀家得七十畝而助七畝周時其民至稀  
 家得百畝而徹十畝故云其實皆什一而云夏時人  
 衆殷世人稀又十口之家雖得五十畝之地皆不近  
 人情未知可否熊氏一說以為夏政寬簡一夫之地  
 惟稅五十畝殷政稍急一夫之地稅七十畝周政極  
 煩一夫之地稅皆通稅所稅之中皆十而稅一故云  
 其實皆什一此則井田雖不得什一理稍可通既古



意難知故彼此俱載又葬匠匠人云貢者自治其所  
 受田貢其稅穀助者借民之力以治公田又使收斂  
 焉夏則有貢無助殷則有助無貢鄭註匠人又云以  
 載師職及司馬法論之周制畿內用夏之貢法稅去  
 無公田以詩春秋論語孟子論之周制邦國用殷之  
 助法惟公田不稅夫此三代所以別也云古者謂殷  
 時者以春秋宣十五年穀出不過藉藉謂借民力  
 也此經亦云藉皆謂借民力也助官治田與殷七十  
 而助相當故云古謂殷時鄭知周之畿內用夏貢法  
 者按載師云以廩里任國中之地以場圃任園地以  
 宅田士田賈田任近郊之地以官田牛田賞田牧田  
 任遠郊之地以公邑之田任甸地以家邑之田任稍  
 地以小都之田任縣地以大都之田任疆地鄭註云  
 廩里邑里居矣廩民居之區域也宅田致仕者之家  
 所受田也仕田自卿以下所受圭田也賈田在市賈  
 人其家所受田也官田庶人在官者其家所受田也  
 牛田牧田畜牧者之家所受田賞田者賞賜之田公  
 邑謂六遂餘地天子使大夫治之家邑大夫之采地

小都卿之采地大都公之采地載師又云園廛二十而一近郊十一遠郊二十而三甸稍縣都皆無過十  
 二又司馬云井十為通通為四馬三十家士一人徒  
 二人通十為成成百井井有九家百井即九百家而云  
 二十人計一成百井井有九家百井即九百家而云  
 一自餘通率一家受二夫故一成為三百家是一井  
 九家為定無公田也故鄭云以載師職及司馬法論  
 之周制畿內用夏之貢法不稅夫者謂卿遂及公邑  
 若采地即為井田稅夫與畿外同知畿外用助法者  
 按詩小雅雨我公田遂及我私春秋宣十五年云初  
 稅畝傳云穀出不過藉論語云盍徹乎孟子云方里  
 而井井九百畝其中為公田八百皆私百畝是皆論  
 公田之事故鄭云以詩春秋論語孟子論之周制邦  
 國用殷之助法制公田不稅夫然郊外諸侯雖立公  
 田其實諸侯郊外亦用貢法故孟子云野大夫之田  
 而稅一即九一而助國中什一使自賦故鄭云邦國  
 亦異外內耳但郊內地少郊外地多從多言之故云




畿外制公田不稅夫也凡賦法無過十一故孟子云  
 輕於十一大輅小輅重於十一大桀小桀十一而稅  
 堯舜之道但周之畿內有參差皆不同而言之十一  
 若畿外先儒約孟子樂緯皆九家為井八家其治公  
 田八十畝已外二十畝以爲八家井竈廬舍是百畝  
 之外別助是十外稅一郊外既十外稅一郊內亦十  
 外稅一假令治一夫之田得百一十碩粟而貢十碩  
 是亦十外稅一也劉氏以爲匠人註引孟子野九夫  
 而稅一國中什一諸侯謂之徹者通其率以十一爲  
 正則謂野九夫之田而稅一國中十一夫之田而稅  
 一是一謂野九夫之田而稅二計地言之是十中稅一  
 若計夫實稅猶十外稅一與先儒同也但不知諸侯  
 郊內十夫受百一十畝之地若爲周制耳或畿外地寬  
 也一夫受百一十畝之地與畿內異也○周禮至  
 譏也○正義曰引周禮者證凶荒之時雖無征稅猶  
 須譏禁禁謂防過爲重其殷則雖無凶荒縱不賦稅  
 猶須譏禁與周凶荒時同則門關有稅但不知稅之  
 輕重○**鹿山**足也○正義曰按僖十四年沙鹿崩

穀梁傳云林屬於山為鹿鹿山足也按鄭註大司徒云竹木曰林注瀆曰川水鐘曰澤林麓山澤之異也○**註**征稅至什一○正義曰載師云漆林之征二十而五又云凡任地國宅無征是正謂稅也引孟子書者證卿以下有圭田謂之圭者圭潔也言德行潔白也而與之田殷所不稅者殷政寬厚重賢人周則稅之故鄭云此即周禮之士田以任近郊之地稅什一者載師文也

**用民之力歲不過三日****註**治宮室城郭道渠**疏**正義曰前明以殷法此則兼通周禮三日謂使民治城郭道渠年歲雖豐不得過三日自下皆然按周禮均人云豐年旬用三日中年旬用二日無年旬用一日年歲不同雖豐不得過三日

**田里不粥墓地不請****註**皆受於公民不得私也粥賣也**疏**田里至不請○正義曰田地里邑既受之請求也於公民不得粥賣冢墓之地公家所給族



葬有常不得輒請其餘處

**司空執度度地****註**司空冬官卿掌邦事者度丈尺也度○

度上如字下大洛反量也**居民山川沮澤時四時****註**觀寒煖燥溼

沮謂萊沛○沮將慮反沮沮如也煖乃管反又況袁反下文同萊音來何胤云草所生曰萊庾

云草也沛蒲具反何胤云水所生**量地遠近****註**制邑曰沛何休註公羊傳云草棘曰沛

**井之處****註**處昌**興事任力****註**事謂築邑廬宿市也○

而鳩反**凡使民任老者之事食壯者之食****註**寬其力

築音竹**饒其食****註**食壯音嗣只**疏**司空至之食○正義曰此事食之事言司空執度地者謂司空執丈尺之度以量度於地居處於民觀山川高下之宜沮澤浸潤

之處又當以時候此四時知其寒煖○**註**觀寒至萊沛○正義曰言觀寒暖解四時燥溼解山川沮澤燥謂山也溼謂川與沮澤謂萊沛者何胤云沮澤下溼地也草所生謂萊水所生為沛言沮地是有水草之處也○**註**制邑井之處○正義曰按小司徒云九夫為井四井為邑為邑之處謂平原之地衍沃之所堪達邑井即左傳所謂井衍沃也若山林藪澤則不堪邑井也○**註**事謂至市也○正義曰上云用民之力惟三日而已故註云治宮室城郭道渠此言與事言與則用力難重故云事謂築邑築邑則築城也又築廬之與宿及市按遺人云凡國家之道十里有廬三十里有宿五十里有市是也○凡使民任老者之事食壯者之食者○凡國家為役之法老少功程不同老則功少壯則功多今使民之時雖役壯者限以老者之功程故曰任老者之事凡廩餼牲體壯者食多老者食少雖老者給以壯者之料故食壯者之食壯者從老者之功故註云寬其力老給壯者故云饒其食



凡居民材必因天地寒煖燥溼**註**使其材藝堪地氣也

○燥素**廣谷大川異制****註**謂其形象民生其間者異

老反**俗****註**謂其所好惡○好惡上呼報**剛柔輕重遲速異**

**齊****註**謂其性情緩急○齊才細反**五味異和****註**謂香

臭與鹹苦○和胡臥反下**器械異制****註**謂作務之用

○械戶戒反何休註公羊云攻守之器曰械鄭註犬傳云禮樂之器及兵甲也郭璞三蒼解詁云器械之

總**衣服異宜****註**謂旃裘與絺綌○旃裘上之然反下

名**逆修其教不易其俗齊其政不易其宜****註**教謂禮義

反政謂刑禁中國戎夷五方之民皆有性也不可推移


**國**地氣使之然東方曰夷被髮文身有不火食者矣  
南方曰蠻雕題交趾有不火食者矣 **國**雕文謂刻其

肌以丹青涅之交趾足相鄉然浴則同川臥則僻不  
火食地氣煖不為病 ○被皮義反下同雕本又作彫  
同彫刻鏤也題大兮反趾音止

刻音克肌音几涅乃結反  
相鄉許亮反僻昌戀反西方曰戎被髮衣皮有不  
粒食者矣北方曰狄衣羽毛穴居有不粒食者矣 **國**

不粒食地氣寒少五穀 ○衣於既反  
下同粒音立中國夷蠻戎狄  
皆有安居和味宜服利用備器 **國**其事雖異各自足

五方之民言語不通嗜欲不同達其志通其欲東方



曰寄南方曰象西方曰狄鞮北方曰譯 **國**皆俗間之

名依其事類耳鞮之言知也今冀部有言狄鞮者 ○嗜

欲市志反寄京義反鞮于兮反 **國**凡居至曰譯 ○正

譯音亦間如字又問廁之間 **國**義曰此一節論中

國及四夷居處言語衣服飲食不同之事各隨文解


之 ○凡居民材必因天地寒煖燥溼者材謂氣性材

藝言五方之人其能各殊五者居處各須順其性氣

材藝使堪其地氣故盧植云能寒者使居寒能暑者

使居暑即其義也 **國**性者生之質若木性則仁金性  
性自然故孝經說云性者生之質若木性則仁金性  
則義火性則禮水性則信土性則知中庸云天命之  
謂性是賦命自然情者既有識知心有好奇惡當逐物  
而遷故有喜怒哀樂好惡此經云剛柔輕重遲速天  
生自然是性也而連言情者情是性之小別因性連  
言情者耳若指而言之則上文異俗是情也故註云  
謂其所好惡今經有剛柔輕重遲速六事而註惟云

緩急者細別則有六大總惟二剛輕速總是急也柔  
重遲總是緩也此大略而言人性不同亦有柔而躁  
者剛而遲者故尚書云臯陶行有九德是也。○圖謂  
作務之用。○正義曰作務之用者謂民之作務所用  
五方不同故考工記若粵之用罽胡之用弓車故云  
器械異制器謂總用之器械謂兵器故公羊傳何休  
云攻守之器曰械。○修其至其宜。○俗謂民之風俗  
宜謂土地器物所宜教謂禮義教化政謂政令施為  
言修此教化之時當隨其風俗故云不易其俗。○齊  
其政者謂齊其政令之事當逐物之所宜故云不易  
其宜教主教化故註云教謂禮義政主政令故註云  
政謂刑禁也。○中國至曰譯。○正義曰自此以下至  
北方曰譯總論四夷中國之異。○中國戎夷五方之  
民者舉戎夷則蠻狄可知五方之民者謂中國與四  
夷也。○文身者謂以丹青文飾其身。○有不火食者  
以其地氣多煖雖不火食不為害也言有不火食者  
亦有火食者。○雕題交趾者雕謂刻也題謂額也謂  
以丹青雕刻其額非惟雕刻亦文身也故仲雍居吳



越左傳云斷髮文身趾足也言蠻臥時頭嚮外而足  
在內而相交故云交趾不云被髮者髮斷故也。○衣  
皮有不粒食者矣者以無絲麻惟食禽獸故衣皮也  
氣寒少五穀故有不粒食者。○衣羽毛於穴居者東  
北方多鳥故衣羽正北多羊故衣毛凝寒至盛林木  
又少故穴居其有不粒食者與西戎同。○中國夷蠻  
戎狄皆有安居者言中國與四夷雖異各有所安之  
居。○和味宜服利用備器者言中國與四夷皆有所  
和之味所宜之服所利之用所備之器其事雖異各  
自充足。○五方之民言語不通嗜欲不同者以水土  
各異故言語不通好惡殊別故嗜欲不同。○達其志  
通其欲者謂帝王立此傳語之人曉達五方之志通  
傳五方之欲使相領解其通傳東方之語官謂之曰  
寄言傳寄外內言語通傳南方語官謂之曰象者言  
放象外內之言其通傳西方語官謂之曰狄觀者觀知  
也謂通傳夷狄之語與中國相知其通傳北方語官  
謂之曰譯者譯陳也謂陳說外內之言東方謂之夷  
者風俗通云東方人好生萬物觝觸地而出夷者觝

也其類有九依東夷傳九種一曰玄菟二曰樂浪三曰高驪四曰蒲飾五曰鳧史六曰索家七曰東室八曰倭人九曰天鄙南方曰蠻者風俗通云君臣同川而浴極為簡慢蠻者慢也其類有八李巡註爾雅云一曰天竺二曰咳首三曰僬僥四曰跂踵五曰穿胸六曰儋耳七曰狗軛八曰旁春西方曰戎者風俗通曰斬伐殺生不得其中戎者兇也其類有六李巡註爾雅云一曰僥夷二曰戎夷三曰老白四曰耆羌五曰鼻息六曰天剛北方曰狄者風俗通云父子嫂叔同穴無別狄者辟也其行邪辟其類有五李巡註爾雅云一曰月支二曰穢貊三曰匈奴四曰單于五曰白屋○**圖**彫文至為病○正義曰按漢書地理志文越俗斷髮文身以避蛟龍之害故刻其肌以丹青涅之以東方南方皆近於海故俱文身云浴則同川臥則僻者言首在外而足相鄉內故典瑞註云僻而同邸正本直云臥則僻無同字俗本有同字誤也○**圖**皆俗至鞮者○正義曰言寄象狄鞮譯皆是四夷與中國皆俗間之名也○云依其事類耳者中國通傳



之人各依其當方事之比類而言說之即寄者寄何東方之言象者象似南方之言是依其事類者也○云今冀部有言狄鞮者今日之言必有從於古欲證古有狄鞮之言鞮與知聲相近故鞮為知也

**凡居民量地以制邑度地以居民地邑民居必參相得**

**也****圖**得猶足也 ○度大洛反 無曠土無游民食節事

**時民咸安其居樂事勸功尊君親上然後興學****圖**立

小學大學 ○咸行緘反樂 **圖**凡居至興學○正義曰音岳又音洛 此一節論居民與地相

得及食節事時勸功尊君立學之事○食節謂食得其節事時謂事得其時樂事謂民樂悅事務勸功謂勉勵立功尊君謂臣民尊君親上謂在下親愛長上民富而可教謂民事既得如此然後可得興學也





